



**VIJEĆE MINISTARA
BOSNE I HERCEGOVINE**

270

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i člana 26. Zakona o pružanju besplatne pravne pomoći ("Službeni glasnik BiH", broj 83/16), na 166. sjednici održanoj 12.2.2019. godine, Vijeće ministara Bosne i Hercegovine, na prijedlog ministra pravde Bosne i Hercegovine, donijelo je

**ODLUKU
O TARIFI I NAKNADI TROŠKOVA KRIVIČNOG
POSTUPKA PREMA ZAKONU O PRUŽANJU
BESPLATNE PRAVNE POMOĆI**

Član 1.

(Predmet Odluke)

Ovom odlukom uređuje se tarifa po kojoj se obračunavaju troškovi i vrši naknada troškova krivičnog postupka koji pripadaju braniocu kada, na osnovu naloga Ministarstva pravde Bosne i Hercegovine, obavlja zastupanje u krivičnom postupku pred Sudom Bosne i Hercegovine (u daljem tekstu: Sud) i prekograničnim sporovima osobe koja ostvari pravo na besplatnu pravnu pomoć u skladu sa Zakonom o pružanju besplatne pravne pomoći.

TARIFA I NUŽNI TROŠKOVI BRANIOCA

Član 2.

(Sastavljanje podnesaka)

- (1) Podnesci branioca u prethodnom postupku, nakon potvrđivanja optužnice i u toku glavnog pretresa - 20% nagrade iz člana 4. stav (1) ove odluke.
- (2) Prigovor protiv optužnice - 50% nagrade iz člana 4. stav (1) ove odluke.

- (3) Prijedlozi za odlaganje izvršenja kazne, uslovni otpust i brisanje osude:
 - a) odsjek II za organizirani kriminal, privredni kriminal i korupciju - 50 bodova,
 - b) odsjek III za sva ostala krivična djela u nadležnosti Suda - 30 bodova.
- (4) Prijedlozi za rehabilitaciju i molbe:
 - a) odsjek II za organizirani kriminal, privredni kriminal i korupciju - 50 bodova,
 - b) odsjek III za sva ostala krivična djela u nadležnosti Suda - 30 bodova.
- (5) Drugi podnesci s kraćim obavještenjem ili obavijesti u postupku u vezi s radnjama postupka:
 - a) odsjek II za organizirani kriminal, privredni kriminal i korupciju - 10 bodova,
 - b) odsjek III za sva ostala krivična djela u nadležnosti Suda - 5 bodova.

Član 3.

(Učešće branioca u prethodnom postupku - istrazi)

- (1) Za učestvovanje u svojstvu branioca u istrazi prilikom ispitivanja okrivljenog, advokatu pripada 50% nagrade kao za odbranu iz člana 4. stav (1) ove odluke, te za svaki drugi i svaki dalji započeti sat, i to:
 - a) odsjek II za organizirani kriminal, privredni kriminal i korupciju - 25 bodova,
 - b) odsjek III za sva ostala krivična djela u nadležnosti Suda - 15 bodova.
- (2) Za učestvovanje u svojstvu branioca u radnjama dokazivanja (pretresanje stana, prostorija, osoba i sl.), advokatu pripada nagrada u visini od 50% nagrade predviđene u tački 1. ovog člana, te nagrada za svaki drugi i svaki dalji započeti sat kao što je to u njoj predviđeno.

- (3) Za radnje koje se izvode izvan Suda, osim naknade po utrošenom satu, advokatu pripada i nagrada iz tačke (1) ovog člana, te prava na naknadu troškova po članu 9. ove odluke.

Član 4.

(Obrana optuženog na glavnom pretresu)

- (1) Za odbranu optuženog pred Krivičnim i Apelacionim vijećem u slučaju ukinute presude, advokatu pripada sljedeća nagrada:
- odsjek II za organizirani kriminal, privredni kriminal i korupciju - 200 bodova,
 - odsjek III za sva ostala krivična djela u nadležnosti Suda - 120 bodova.
- (2) Za odbranu optuženog pred Apelacionim vijećem povodom žalbe na presudu prvostepenog suda, advokatu pripada nagrada:
- odsjek II za organizirani kriminal, privredni kriminal i korupciju - 160 bodova,
 - odsjek III za sva ostala krivična djela u nadležnosti Suda - 120 bodova.
- (3) Kada glavni pretres neprekidno traje duže od jednog dana, advokatu pripada nagrada iz tačke 1. ovog člana za prvi dan pretresa, a 50% za drugi i svaki dalji dan pretresa. Ako zbog prekida ili odlaganja glavni pretres započinje iznova, advokatu za ponovljeni pretres pripada iznos nagrade predviđen u stavu (1) ovog člana.
- (4) Ukoliko je poslije podignute optužnice, a prije izvođenja dokaza, došlo do obustave postupka ili je došlo do odlaganja pretresa, advokatu pripadaju naknade iz člana 9. ove odluke.
- (5) Za prisutnost svjedočenju, rekonstrukcijama i ostalim sudskim radnjama koje se izvode izvan zgrade Suda, advokatu pripada nagrada kao za odbranu po ovom članu i naknada po članu 9. ove odluke.

Član 5.

(Učešće branioca u pregovorima o krivici i u zaključivanju sporazuma o priznavanju krivice)

Za učešće advokata u pregovorima s tužiocem o krivici osumnjičenog, a kad je na osnovu pregovora došlo do zaključivanja sporazuma o krivici, advokatu pripada nagrada kao za učešće u odbrani po članu 4. stav (1) ove odluke.

Član 6.

(Izjašnjenje o krivici)

Za učestvovanje u izjašnjavanju o krivici koje optuženi daje sudiji za prethodno saslušanje, advokatu pripada nagrada u visini od 30% kao za odbranu, po članu 4. stav (1) ove odluke.

Član 7.

(Pravni lijekovi)

- Za žalbu protiv presude advokatu pripada ista nagrada kao i za odbranu, odnosno zastupanje po članu 4. stav (1) ove odluke.
- Za odgovore na žalbu protiv presude, advokatu pripada 50% nagrade iz stava (1) ovog člana.
- Za žalbe protiv rješenja o primjeni mjera sigurnosti, o upućivanju u zavod za liječenje ili psihijatrijsku ustanovu, oduzimanju predmeta, kao i drugih rješenja protiv kojih se može ulagati žalba te odluku o troškovima, advokatu pripada 25% nagrade iz stava (1) ovog člana.
- Prijedlozi za ponavljanje postupka, kao i žalbe protiv rješenja o odbijanju prijedloga za ponavljanje postupka, nagrađuju se u visini od 50% nagrade iz člana 4. stav (1) ove odluke.

Član 8.

(Zastupanje više osoba)

Kad advokat u istom postupku zastupa više osoba, pripada mu pravo na 20% povećanja osnovnih stavki utvrđenih odredbama ove odluke.

Član 9.

(Naknada troškova)

- Advokatu pripada naknada troškova za sve stvarne izdatke koji su bili potrebni za izvršenje povjerenih mu poslova.
- Za obavljanje poslova izvan sjedišta advokatske kancelarije, advokatu pripada naknada putnih troškova za prijevoz.
- Advokat ima pravo na naknadu troškova prijevoza u visini cijene avionske karte ili drugog javnog prijevoznog sredstva koje koristi.
- Za upotrebu vlastitog automobila, advokatu pripada nagrada od 20% važeće cijene benzina za svaki pređeni kilometar.

Član 10.

(Obračun troškova)

Ukupni troškovi branioca isplaćuju se nakon što ministar pravde odobri obračun koji izvrši Ured za pružanje besplatne pravne pomoći, na osnovu ove odluke i dokaza za nastale troškove, koje je uz popunjen nalog kojim su određeni vrsta i oblik besplatne pravne pomoći, dužan podnijeti branilac.

Član 11.

(Način određivanja vrijednosti boda)

Vrijednost boda utvrđuje se u iznosu od 3 KM.

Član 12.

(Stupanje na snagu Odluke)

Ova odluka stupa na snagu osmog dana od dana objavljivanja u "Službenom glasniku BiH".

VM broj 34/19
12. februara 2019. godine
Sarajevo

Predsjedavajući
Vijeća ministara BiH
Dr. Denis Zvizdić, s. r.

Na temelju članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i članka 26. Zakona o pružanju besplatne pravne pomoći ("Službeni glasnik BiH", broj 83/16), na 166. sjednici održanoj 12.2.2019. godine, Vijeće ministara Bosne i Hercegovine, na prijedlog ministra pravde Bosne i Hercegovine, donijelo je

**ODLUKU
O TARIFI I NAKNADI TROŠKOVA KAZNENOG
POSTUPKA PREMA ZAKONU O PRUŽANJU
BESPLATNE PRAVNE POMOĆI**

Članak 1.

(Predmet Odluke)

Ovom odlukom uređuje se tarifa po kojoj se obračunavaju troškovi i vrši naknada troškova kaznenog postupka koji pripadaju branitelju kada, na temelju naloga Ministarstva pravde Bosne i Hercegovine, obavlja zastupanje u kaznenom postupku pred Sudom Bosne i Hercegovine (u daljem tekstu: Sud) i prekograničnim sporovima osobe koja ostvari pravo na besplatnu pravnu pomoć sukladno Zakonu o pružanju besplatne pravne pomoći.